

# **PRAVILA NAGRADNE IGRE**

## **“COCA-COLA & FIFA WC 2026”**

### **1. OSNOVNE INFORMACIJE O PRIREĐIVAČU NAGRADNE IGRE**

1.1. 365 BTL d.o.o. Banja Luka (JIB: 4403264050008), Braće Pišteljića br.1, 78000 Banja Luka, Organizator je nagradne igre pod nazivom „COCA-COLA & FIFA WC 2026“. Nagradna igra se priređuje sa ciljem unapređenja prodaje i promocije COCA COLA proizvoda, a u skladu sa članom 95. i 96. Zakona o igrama na sreću RS (Službeni glasnik Republike Srpske br. 22/2019).

### **2. NAZIV NAGRADNE IGRE**

2.1. Naziv nagradne igre je „COCA-COLA & FIFA WC 2026“.

### **3. TRAJANJE I SVRHA PRIREĐIVANJA NAGRADNE IGRE**

3.1. Nagradna igra traje u periodu od 28.04.2026. godine od 12:00 časova do 15.06.2026. godine do 12:00 časova.

3.2. Svrha organizovanja nagradne igre je promocija proizvoda Organizatora iz kategorije gaziranih bezalkoholnih pića, i to:

- Coca-Cola Original Taste u plastičnoj nepovratnoj ambalaži od 0,5 l (500 ml PET), 1,25 l (1,25 l PET) i 2 l (2 l PET), kao i u staklenoj bočici od 250 ml (RGB);
- Coca-Cola Zero Sugar u plastičnoj nepovratnoj ambalaži od 0,5 l (500 ml PET), 1,25 l (1,25 l PET) i 2 l (2 l PET), kao i u staklenoj bočici od 250 ml (RGB).

3.3. Nagradna igra organizuje se na teritoriji Republike Srpske.

3.4. Organizator će prije početka nagradne igre objaviti Pravila nagradne igre u jednim dnevničkim novinama dostupnim na teritoriji Republike Srpske, te navesti broj i datum rješenja Ministarstva finansija Republike Srpske, kojim je data saglasnost na ova Pravila. Pravila nagradne igre biće dostupna i na web stranici Organizatora: <https://ba.coca-colahellenic.com/>. Dodatne informacije u vezi sa ovim Pravilima mogu se dobiti putem e-mail adrese [info.ba@cchellenic.com](mailto:info.ba@cchellenic.com) ili pozivom na besplatnu Coca-Cola info liniju: 080 020 100, svakim radnim danom od 9 do 17 časova.

3.5. Organizator i Coca-Cola HBC B-H d.o.o. Sarajevo će obezbijediti sve preduslove tokom trajanja ove nagradne igre, kako bi u najvećoj mogućoj mjeri omogućio redovno izvlačenje dobitnika svih nagrada i podjelu cjelokupnog nagradnog fonda.

3.6. Organizator će nagradnu igru sprovesti u skladu sa važećim zakonskim i podzakonskim propisima, kao i opštim moralnim načelima.

3.7. Za vrijeme trajanja nagradne igre, pravila su dostupna i na web stranici: <https://ba.coca-colahellenic.com>

### **4. USLOVI UČESTVOVANJA U NAGRADNOJ IGRI**

4.1. Pravo učešća u nagradnoj igri imaju sva fizička lica sa prijavljenim prebivalištem u Republici Srpskoj, starija od 18 (osamnaest) godina, koja u periodu trajanja nagradne igre kupe najmanje dva (2) proizvoda Organizatora iz člana 3. ovih Pravila, u skladu s ovim Pravilima.

4.2. Kupovinom navedenih proizvoda u promotivnim pakiranjima, pri čemu je za jednu prijavu potrebno najmanje dva (2) kupljena proizvoda, stječe se pravo na učešće u nagradnoj igri.

4.3. Učesnik je dužan da nakon kupovine proizvoda, ispod čepa u plastičnim pakovanjima ili ispod etikete u staklenim bočicama (RGB), pronađe specifični desetocifreni kod (u daljem tekstu: Kod).

4.4. Učesnik je takođe dužan da preuzme aplikaciju Coca-Cola App putem App Store-a ili Google Play-a, odnosno skeniranjem QR koda koji će se nalaziti na promotivnim materijalima ove promocije. Sve informacije i Pravila nagradne igre učesnici mogu dobiti putem aplikacije Coca-Cola App, kao i putem web stranice Organizatora: <https://ba.coca-colahellenic.com>

4.5. Prilikom registracije, učesnik je dužan da kreira korisnički profil u aplikaciji i unese svoje lične podatke (ime i prezime, e-mail adresu, državu prebivališta, datum rođenja, nadimak i broj telefona). Svaki učesnik može imati najviše jedan korisnički profil u okviru aplikacije.

4.6. Nakon uspješne registracije, učesnik unosi desetocifreni kod sa promotivnih proizvoda. Svaki kod može biti iskorišten samo jednom u okviru aplikacije. U slučaju višestrukog unosa istog koda, u obzir će se uzeti samo prvi unos, dok će svi naredni unosi biti zanemareni.

4.7. Svakom kupovinom proizvoda Organizatora navedenih u članu 3. ovih Pravila, učesnik stiče pravo na prikupljanje „Lopta“ bodova, u skladu sa ovim Pravilima. Svaka kupovina jednog proizvoda Coca-Cola Original Taste donosi 1 (jedan) „Lopta“ bod po jednoj plastičnoj flaši, odnosno staklenoj bočici, dok svaka kupovina jednog proizvoda Coca-Cola Zero Sugar donosi 1 (jedan) „Lopta“ boda po jednoj plastičnoj flaši, odnosno staklenoj bočici.

4.8. Skupljanjem „Lopta“ bodova u okviru aplikacije Coca-Cola App (u daljem tekstu: aplikacija), u skladu sa ovim Pravilima, učesnik ostvaruje pravo učešća u nagradnim izvlačenjima po sopstvenom izboru. Za jednu prijavu potrebno je 2 (dvije) „Lopte“. Učesnik može ostvariti neograničen broj prijavi, sve dok ima dovoljan broj bodova, odnosno dok ukupan broj prijavi po pojedinom izvlačenju ne dostigne 50.000 (pedeset hiljada). „Lopta“ bodovi iskorišteni za prijavu ne mogu se ponovo koristiti, bez obzira na ishod izvlačenja.

4.9. Ukoliko se prilikom unosa utvrdi da je kod neispravan ili već iskorišten, takav unos će biti odbijen kao nevažeći.

4.10. Radi obezbjeđenja ravnopravnosti učesnika, svaki učesnik može osvojiti samo jednu nagradu u okviru jednog nagradnog izvlačenja. Učesnici koji su već osvojili nagradu u prethodnim izvlačenjima mogu učestvovati u narednim, ali ne mogu osvojiti istu vrstu nagrade više od jednom tokom trajanja nagradne igre. Ukoliko učesnik bude izvučen za nagradu koju je već osvojio, nagrada će biti dodijeljena alternativnom dobitniku.

Dobitnik Glavne nagrade nema pravo na dodjelu drugih nagrada u okviru ove nagradne igre. Ukoliko takav učesnik bude izvučen za neku od ostalih nagrada, nema pravo na dodjelu iste, te će nagrada biti dodijeljena alternativnom dobitniku.

4.11. Svi zaprimljeni kodovi nalaze se pod kontrolom Coca-Cola HBC B-H d.o.o. Sarajevo i biće odbijeni ukoliko nisu pribavljeni putem legitimnih kanala, odnosno ukoliko su pribavljeni prevarnim radnjama. Kodovi koji su reprodukovani, duplirani, izmišljeni ili izmijenjeni na bilo koji način biće smatrani nevažećim. U slučaju štamparskih grešaka ili nepravilnosti na promotivnim zatvaračima ili etiketama, Organizator ne snosi odgovornost. Organizator zadržava pravo diskvalifikacije učesnika u slučaju zloupotrebe, manipulacije ili bilo kakvog narušavanja integriteta nagradne igre.

4.12. Pravo učešća nemaju lica zaposlena kod Organizatora, kao ni lica zaposlena kod partnera i agencija uključenih u realizaciju nagradne igre, kao ni članovi njihove uže porodice (supružnici, djeca, roditelji, braća i sestre koji žive u istom domaćinstvu). Organizator zadržava pravo provjere navedenih činjenica.

4.13. Učešćem u nagradnoj igri učesnici potvrđuju da su upoznati sa ovim Pravilima i da ih u potpunosti prihvataju.

## **5. NAČIN IZVLAČENJA DOBITNIKA NAGRADA**

5.1. Nagradna izvlačenja za ovu nagradnu igru odvijaće se metodom slučajnog odabira (elektronskim putem) i održaće se u sjedištu Coca-Cola HBC B-H d.o.o. Sarajevo, na adresi: Mostarsko raskršće broj 1, Hadžići, u 4 (četiri) termina (izvlačenja):

A. Prvo nagradno izvlačenje – dana 19.5.2026. godine u 12:00 sati, za prijave prikupljene od 30.4.2026. godine od 12:00 sati do 17.5.2026. godine do 23:59:59 sati, za sljedeće nagrade:

1. Glavna nagrada: Putovanje za dvije (2) osobe na utakmicu između reprezentacija Bosne i Hercegovine i Švicarske, koja se igra 18.6.2026. godine u Los Angelesu (SAD), u sklopu Svjetskog prvenstva u fudbalu, a koje uključuje ulaznice za utakmicu, povratni avionski prijevoz, smještaj, transfere i putničko osiguranje (2 dobitnika)

B. Drugo nagradno izvlačenje – dana 19.5.2026. godine u 12:05 sati, za prijave prikupljene od 28.4.2026. godine od 12:00 sati do 17.5.2026. godine do 23:59:59 sati, za sljedeće nagrade:

1. Hisense C2 Smart mini projektor 4K (1 dobitnik)
2. Hisense samostojeći french door frižider (1 dobitnik)
3. Hisense 55" 4K pametni televizor (144 Hz) (1 dobitnik)
4. Reprezentativni dres BiH reprezentacije (2 dobitnika)

C. Treće nagradno izvlačenje – dana 5.6.2026. godine u 12:00 sati, za prijave prikupljene od 18.5.2026. godine od 09:00 sati do 1.6.2026. godine do 11:59:59 sati, za sljedeće nagrade:

1. Hisense C2 Smart mini projektor 4K (1 dobitnik)
2. Hisense samostojeći french door frižider (1 dobitnik)
3. Hisense 55" 4K pametni televizor (144 Hz) (1 dobitnik)
4. Reprezentativni dres BiH reprezentacije (2 dobitnika)

D. Četvrto nagradno izvlačenje – dana 18.6.2026. godine u 12:00 sati, za prijave prikupljene od 1.6.2026. godine od 12:00 sati do 15.6.2026. godine do 11:59:59 sati, za sljedeće nagrade:

1. Hisense C2 Smart mini projektor 4K (1 dobitnik)
2. Hisense samostojeći french door frižider (1 dobitnik)
3. Hisense 55" 4K pametni televizor (144 Hz) (1 dobitnik)
4. Reprezentativni dres BiH reprezentacije (1 dobitnik)

Napomena o redoslijedu dodjele nagrada: Za svako izvlačenje unaprijed je određen ukupan broj dobitnika. Izvučeni dobitnici redom dobivaju nagrade s gore navedenog popisa.

5.2. Za svaku nagradu, osim glavne nagrade, izvlači se i po 1 alternativni dobitnik, koji se smatra dobitnikom u slučaju da prvobitno izvučeni dobitnik:

- (a) ne dostavi tražene podatke u roku od 8 (osam) dana od dana slanja obavijesti,
- (b) izričito odbije nagradu, ili
- (c) nema pravo na dodjelu nagrade u skladu s članom 4.10. ovih Pravila,
- (d) ili iz bilo kojeg drugog razloga utvrđenog ovim Pravilima ne stekne uslove za dodjelu nagrade.

U navedenim slučajevima nagrada će biti dodijeljena alternativnom dobitniku.

Za nagradu iz prvog nagradnog izvlačenja (Glavna nagrada), neće se izvlačiti alternativni dobitnik zbog ograničenog vremenskog roka za realizaciju nagrade, pa sukladno tome ukoliko se nagrada iz opravdanog razloga ne bude mogla uručiti dobitniku, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

## **6. SASTAV KOMISIJE ZA IZVLAČENJE NAGRADA**

6.1. Coca-Cola HBC B-H d.o.o. Sarajevo će imenovati Komisiju (najmanje tri člana), koja će nadgledati regularnost javnog izvlačenja dobitnika.

6.2. O toku izvlačenja Komisija će voditi zapisnik koji će minimalno sadržavati:

- a) mjesto, vrijeme i način izvlačenja dobitnika;
- b) broj i datum rješenja Ministarstva finansija Republike Srpske;
- c) datum i naziv medija u kojem su pravila nagradne igre objavljena;
- d) imena i prezimena članova Komisije;
- e) imena, prezimena i adrese dobitnika;
- f) naziv i vrijednost nagrade za svakog pojedinačnog dobitnika.

## 7. FOND NAGRADA

7.1. Nagradni fond se sastoji od:

Nagrade	Količina	Pojedinačna cijena s PDV-om	Total
Prvo izvlačenje – Glavna nagrada			
<p>Nagrada u okviru ove nagradne igre je putovanje za dvije (2) osobe na nogometnu utakmicu između reprezentacija Bosne i Hercegovine i Švicarske, koja će se održati 18.06.2026. godine u Los Angelesu, Sjedinjene Američke Države, u sklopu Svjetskog prvenstva u fudbalu.</p> <p><b>Nagrada uključuje:</b>            dvije (2) ulaznice za navedenu utakmicu; povratni avionski prijevoz na relaciji Sarajevo – Istanbul – Los Angeles – Istanbul – Sarajevo, s aviokompanijom Turkish Airlines (ekonomska klasa); smještaj za dvije (2) osobe u hotelu InterContinental Los Angeles (5*), u dvokrevetnoj sobi, na bazi četiri (4) noćenja s doručkom; organizirane transfere na teritoriji Sjedinjenih Američkih Država, i to: transfer aerodrom – hotel – aerodrom, organizirani prijevoz na utakmicu; putničko zdravstveno osiguranje za obje osobe za vrijeme trajanja putovanja; asistenciju i podršku predstavnika turističke agencije na destinaciji, u svrhu pružanja dodatnih logističkih i organizacijskih informacija koje dobitnik eventualno bude imao tokom putovanja.</p>	2	13.460,00 KM	26.920,00 KM
Drugo izvlačenje			
Hisense C2 Smart mini projektor 4K	1	2.150,00 KM	2.150,00 KM
Hisense samostojeći french door frižider	1	1.740,00 KM	1.740,00 KM
Hisense 55" 4K pametni televizor (144 Hz)	1	1.288,00 KM	1.288,00 KM

FSBiH dres	2	99,00 KM	198,00 KM
Treće izvlačenje			
Hisense C2 Smart mini projektor 4K	1	2.150,00 KM	2.150,00 KM
Hisense samostojeći french door frižider	1	1.740,00 KM	1.740,00 KM
Hisense 55" 4K pametni televizor (144 Hz)	1	1.288,00 KM	1.288,00 KM
FSBiH dres	2	99,00 KM	198,00 KM
Četvrto izvlačenje			
Hisense C2 Smart mini projektor 4K	1	2.150,00 KM	2.150,00 KM
Hisense samostojeći french door frižider	1	1.740,00 KM	1.740,00 KM
Hisense 55" 4K pametni televizor (144 Hz)	1	1.288,00 KM	1.288,00 KM
Reprezentativni dres BiH reprezentacije	1	99,00 KM	99,00 KM
TOTAL			42.949,00 KM

7.2. Nagradni fond ne može se zamijeniti za novac. Dobitnik nema pravo zahtijevati drugu nagradu niti nagradu čija vrijednost prelazi iznos naveden u ovom članu Pravila.

7.3. Coca-Cola HBC B-H d.o.o. Sarajevo, kao ni bilo koji privredni subjekt angažovan od strane Organizatora za sprovođenje nagradne igre, ne preuzimaju bilo kakav oblik odgovornosti niti obavezu naknade štete koja može nastati u vezi sa učešćem u nagradnoj igri, odnosno preuzimanjem i korištenjem nagrada.

## 8. NAČIN OBAVJEŠTAVANJA I OBJAVLJIVANJA DOBITNIKA

8.1. Coca-Cola HBC B-H d.o.o. Sarajevo je dužan, najkasnije u roku od 8 (osam) dana od dana izvlačenja, obavijestiti dobitnike o osvojenim nagradama putem e-maila koji su ostavili prilikom registracije, pri čemu se dan slanja e-mail obavijesti smatra početkom roka za dostavu podataka iz člana 9. ovih pravila. Coca-Cola HBC B-H d.o.o. Sarajevo je dužan će od dobitnika tražiti sve potrebne podatke kako bi nagrada mogla biti uspješno uručena.

8.2. Rezultati nagradne igre, uključujući imena dobitnika, biće objavljeni na web stranici <https://ba.coca-colahellenic.com>, u roku od 7 (sedam) dana od dana nagradnog izvlačenja.

8.3. Ukoliko zbog okolnosti za koje Organizator nije odgovoran (npr. dostavljeni pogrešni lični podaci od strane učesnika, dobitnik se ne nalazi na navedenoj adresi, vanredne okolnosti i sl.) nije moguće obavijestiti dobitnika nagrade, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

## **9. MJESTO I ROK ZA PODIZANJE NAGRADA**

9.1. Dobitnik nagrade dužan je dostaviti sve neophodne podatke osobi za kontakt Coca-Cola HBC B-H d.o.o. Sarajevo nagradne igre, u roku od 8 (osam) dana od dana obavještenja iz člana 8.1., kako bi nagrada mogla biti uspješno uručena. Dobitnik je dužan priložiti dokaz o identitetu. Ukoliko u naznačenom roku ne dostavi lične podatke, uključujući ime, prezime i adresu za dostavu nagrade, gubi pravo na nagradu, čime prestaju sve dalje obaveze Organizatora prema dobitniku.

9.2. Dobitnicima će nagrade biti dostavljene putem dostavne službe na kućnu adresu odmah po prijemu neophodnih podataka za dostavu. Glavna nagrada koja uključuje putovanje realizira se u dogovoru s dobitnikom, putem direktne komunikacije s Organizatorom ili ovlaštenim partnerom za realizaciju putovanja.

9.3. Ukoliko nagrada iz opravdanih razloga ne bude mogla biti uručena dobitniku, Organizator će postupiti u skladu sa članom 11. Pravilnika o sadržaju pravila, uvjetima i načinu priređivanja nagradnih igara.

9.4. Prilikom preuzimanja nagrade, dobitnik potpisuje izjavu o preuzimanju nagrade.

9.5. Coca-Cola HBC B-H d.o.o. Sarajevo je odgovoran za pravovremeno i tačno informisanje učesnika nagradne igre o njihovim pravima i obavezama prilikom preuzimanja nagrada.

9.6. Organizator ne preuzima odgovornost za eventualnu štetu koja može nastati nakon preuzimanja ili korištenja proizvoda iz nagradnog fonda.

9.7. Porez na dobitak od nagrada ostvarenih učešćem u nagradnoj igri obračunava se u skladu sa važećim propisima o porezu na dohodak, a obavezu plaćanja poreza snosi Organizator.

9.8. Učesnici mogu biti pozvani da učestvuju u javnim događajima. Dobitnici prihvataju da njihova imena, adrese i fotografije mogu biti korišteni i objavljeni u foto, audio i video materijalima od strane Organizatora i njegovih pridruženih agencija i partnera direktno uključenih u nagradnu igru. Učestvovanjem u nagradnoj igri, učesnici daju Organizatoru dozvolu da koristi njihova imena i/ili ličnost u svrhu reklame ili promocije, bez dodatne kompenzacije.

9.9. Za Glavnu nagradu koja uključuje putovanje u Sjedinjene Američke Države, dobitnik i osoba u pratnji dužni su posjedovati važeću putnu ispravu (pasoš), te samostalno ispuniti sve uslove za ulazak i boravak u Sjedinjenim Američkim Državama, uključujući pravovremeno podnošenje zahtjeva za vizu i pribavljanje odobrene vize. Organizator ne snosi odgovornost u slučaju da dobitnik ili osoba u pratnji ne ispune navedene uslove ili im nadležni organi odbiju izdavanje vize ili ulazak u zemlju.

9.10. Organizator ne snosi odgovornost za nemogućnost realizacije nagrade u slučaju da dobitnik ili osoba u pratnji ne ispune uslove za ulazak ili boravak u Sjedinjenim Američkim Državama, uključujući, ali ne ograničavajući se na: nepostojanje važećih putnih isprava, neodobranje ili kašnjenje u izdavanju vize, kao i odluke nadležnih organa o odbijanju ulaska u zemlju.

9.11. Organizator ne snosi odgovornost za troškove pribavljanja putne dokumentacije, uključujući troškove izdavanja pasoša i vize, kao ni za bilo koje druge lične troškove dobitnika i osobe u pratnji koji nisu izričito navedeni kao uključeni u nagradu.

9.12. Dobitnik ima pravo odabrati jednu osobu u pratnji, koja mora ispunjavati sve uslove propisane ovim Pravilima, uključujući uslove za putovanje i ulazak u Sjedinjene Američke Države.

9.13. Glavna nagrada je prenosiva na drugo lice isključivo uz prethodnu pisanu saglasnost Organizatora. U slučaju da dobitnik iz opravdanih razloga nije u mogućnosti realizovati putovanje, dužan je u roku propisanom članom 9.1. ovih Pravila dostaviti zahtjev za prenos nagrade, zajedno sa svim potrebnim podacima o licu na koje se nagrada prenosi. Lice na koje se nagrada prenosi mora ispunjavati sve uslove propisane ovim Pravilima, uključujući uslove za putovanje i ulazak u Sjedinjene Američke Države. Nakon odobrenog prenosa nagrade, Organizator nema nikakvih daljih obaveza prema prvobitnom dobitniku.

9.14. U slučaju da dobitnik ili lice na koje je nagrada prenesena, kao i osoba u pratnji, ne ispune uslove za realizaciju nagrade, ne dostave tražene podatke u propisanom roku ili iz bilo kojeg drugog razloga ne realizuju nagradu, a dalji prenos nagrade nije moguć ili nije odobren u skladu s ovim Pravilima, nagrada se smatra nepodijeljenom, te Organizator nema nikakvih daljih obaveza niti odgovornosti prema dobitniku, odnosno licu na koje je nagrada prenesena.

9.15. Organizator ne snosi odgovornost za odluke trećih strana uključenih u realizaciju nagrade, uključujući aviokompanije, hotele, organizatore događaja i nadležne organe, kao ni za eventualne promjene termina, itinerara, smještaja ili drugih elemenata putovanja koje mogu nastati izvan kontrole Organizatora.

9.16. Organizator ne snosi odgovornost za ponašanje dobitnika i osobe u pratnji tokom realizacije nagrade, uključujući poštivanje važećih zakona i propisa, kao ni za eventualne nezgode, zdravstvene poteškoće, gubitak ličnih stvari, kašnjenja ili druge okolnosti koje mogu nastati tokom putovanja.

## **10. USLOVI POD KOJIM SE NAGRADNA IGRA MOŽE IZMJENITI, PREKINUTI ILI OTKAZATI**

10.1. Pravila nagradne igre ne mogu se mijenjati nakon početka nagradne igre, osim ukoliko postoje opravdani razlozi ili nastupe okolnosti više sile.

10.2. U slučaju prekida ili otkazivanja nagradne igre usljed vanrednih okolnosti, Organizator će o tome obavijestiti Ministarstvo finansija Republike Srpske.

10.3. Ministarstvo finansija Republike Srpske daje saglasnost na izmjenu pravila igre, prekid ili otkazivanje nagradne igre, ukoliko su razlozi opravdani i dokazani od strane Organizatora ili opštepoznati. Organizator će učesnike obavijestiti na isti način na koji su prethodno objavljena pravila nagradne igre.

10.4. Ukoliko nagradni fond nakon završetka nagradne igre ne bude podijeljen učesnicima na način predviđen pravilima (npr. zbog isteka roka za podizanje nagrada, nedovoljnog broja učesnika ili usljed vanrednih okolnosti), Organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija, u skladu sa članom 17. stav (1) Zakona o igrama na sreću.

## **11. KORIŠTENJE LIČNIH PODATAKA**

11.1. Učešćem u nagradnoj igri, učesnici potvrđuju prihvatanje ovih Pravila i daju saglasnost Organizatoru da prikuplja i obrađuje njihove lične podatke isključivo u svrhu provođenja

nagradne igre, u skladu sa opisom navedenim u ovim Pravilima. Prikupljeni podaci koriste se isključivo za evidenciju Organizatora.

11.2. Organizator je odgovoran za obradu podataka u skladu sa važećim propisima o zaštiti ličnih podataka i poduzet će sve potrebne mjere za njihovu sigurnu obradu. Učesnici imaju pravo biti informisani o činjenici prikupljanja podataka i upoznati se sa sadržajem istih.

11.3. Učesnik je odgovoran za davanje tačnih podataka Organizatoru radi pravilnog provođenja nagradne igre.

11.4. Dobitnici nagrada prihvataju ovu saglasnost da Organizator i Coca-Cola HBC B-H d.o.o. Sarajevo može proslijediti njihove lične podatke trećim licima (npr. odabranoj dostavnoj službi ili partneru) isključivo u svrhu dostave nagrade ili u računovodstvene svrhe za obračun poreza na dohodak.

11.5. Učesnici prihvataju da, ukoliko postanu dobitnici, njihova imena i prezimena mogu biti objavljena i korištena bez naknade u štampanom, audio, slikovnom i video materijalu, u svrhu promocije nagradne igre i proizvoda uključenih u nagradnu igru.

11.6. Podaci dobitnika bit će objavljeni u anonimiziranom obliku (ime i inicijal prezimena) u roku od 7 (sedam) dana od održanog nagradnog izvlačenja, na web-stranici Coca-Cola HBC B-H d.o.o. Sarajevo. Nakon što dobitnici dostave tražene podatke i njihov identitet bude potvrđen u zakonskom roku, popis će biti ažuriran i objavljen s punim imenom i prezimenom te mjestom prebivališta.

11.7. Coca-Cola HBC B-H d.o.o. Sarajevo će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

11.8. Učesnik može u bilo kojem trenutku povući svoju saglasnost za obradu ličnih podataka dopisom na adresu Coca-Cola HBC B-H d.o.o. Sarajevo, i prihvata da takvo povlačenje saglasnosti uzrokuje nemogućnost daljnjeg učešća u nagradnoj igri.

## **12. NADLEŽNOST SUDA**

12.1. Sve žalbe, prigovori i reklamacije rješava Coca-Cola HBC B-H d.o.o. Sarajevo nagradne igre. U slučaju opravdanih pritužbi, Organizator će ih otkloniti u najkraćem mogućem roku i obavijestiti učesnika.

12.2. Svi eventualni sporovi između Organizatora i učesnika ili dobitnika rješavaće se sporazumno.

12.3. Ukoliko spor ne bude moguće riješiti sporazumno, isti će rješavati Osnovni Sud u Banja Luci.

U Banja Luci, 02.4.2026. godine

Broj rješenja 06/4-463-1006-1/26

Dat rješenja 28.04.2026.

ORGANIZATOR: 365 BTL D.O.O.